

Otmar Seiler mida dad RTR tar «Schweiz aktuell»

■ (cp) Otmar Seiler lavura dapi 1999 per Radiotelevision Svizra Rumantscha. Entschet ha el sia carriera schurnalistica tar il Radio Rumantsch. Avant otg onns è el ì tar la Television Rumantscha. Ussa mida el per l'emprim da favrer 2016 tar SRF nua ch'el lavura sco moderatur e redactur per l'emission «Schweiz aktuell». *Otmar Seiler*, 46, lavura dapi l'onn 1999 per Radiotelevision Svizra Rumantscha (RTR) a Cuira. Là ha el emprendì il mastergn da schurnalist. Seiler ha accumpagnà plirs onns audituras ed auditurs dal Radio Rumantsch tras la damaun e lavurà daspera sco redactur per differents formats. 2007 ha el midà tar la Television Rumantscha, l'emprim sco moderatur da las emissions «Telesguard» e «Cuntrasts». Pli tard ha el er anc lavurà sco redactur e schurnalist



Otmar Seiler banduna RTR per s'engaschar tar «Schweiz aktuell».

MAD

da video e sco producent tar RTR ed ha manà tras l'emission da discurs «Tavulin».

Ussa mida Otmar Seiler dad RTR tar SRF Davent dal 1. da favrer 2016 davena el successur dad *Oliver Bono* e lavura sco moderatur e redactur per l'emission «Schweiz aktuell». Otmar Seiler è spanegià sin la nova sfida: «Sur onns hai jau astgà rapportar per RTR da las pli differentas fassetas dal chantun Grischun. Ussa ma legrel jau sin il public da «Schweiz aktuell» e sin storgias interessantas or da tut ils chantuns e las regjuns da la Svizra.» *Ladina Heimgartner*, direc-tura RTR: «Cun Otmar Seiler perda RTR in collavuratur fitg versà e stimà. Nus gudagnain dentant in ambassadur excellent per la Svizra rumantscha ed il Grischun tar SRF.»